

Géshén sarpadi

1 Árámi zobán: Árámi, yak Sámi zobáné ke Suriahay mardom o hamá Yahudi ke cha Bábelá Urshalimá per tarretagatant, áyáni bázénéay zobán butag. Issáyá ham Árámi zobáná habar kortag.

Ásmáni bádsháhi: Bechár: Hodáay bádsháhi|Hodáay bádsháhi (Ásmáni bádsháhi).

Ásmáni Pet: Bechár: Pet.

Abadmánén zend: Bechár: Namiránén zend|Namiránén zend (Abadmánén zend).

Bábelay darándhéhi: Wahdé 586 Péshmiládá pésar, Bábelyah bádsháh Nebukadnasará (Bohtenásrá) Urshalim gept, óday géshterén jahmenendi Bábela gallént o darándhéh kortant. Yahudián padá Párs bádsháh Kuroshay zamánagá, 538 Péshmiládá, dém pa wati molká per tarrag bendát kort.

Báwarmand: Báwarmand hamá mardom ant ke Hodáay habarán|Hodáay habar pa del o setka mannant o Issá Masihá|Masih wati rakkénóka zánant.

Bani Esráil: Bani Esráil, Ebráhem o áiay nomásag Ákubay chokk o óbádag ant, hamá Ákub ke Hodáyá áiay nám Esráil kortagat. Bani Esráil, Mussáay sarókiá cha Mesray golámiá tatkant o Yushahay sarókiá Kan'ánay molkesh gept. Áyáni dwázdhah kabilah atant o Dáud o Solaymán áyáni námdárén bádsháh atant. Lahtén Bani Esráili Áshuray molká darándhéh kanag but o randá é dega Bani Esráili gallénag o Bábela ráh dayag butant. Hamá ke cha Bábelyah darándhéhiá per tarretant, Yahudi gwashaga butant.

Béhomirén nánay aid: Béhomirén nánay aid, hapt róch ent ke Sargwazay aidá rand geraga bit. Yahudi é aidá paméshká kanant ke Hodáyá Bani Esráili kawm cha Perawnay dastá ázát kort o cha Mesrá dar kort. Béhomirén nán, Bani Esráilián hamé habaray yátá perrénit, hamá shapá ke á cha Mesrá tatkant, áyán pa ártay koppénag o homir kanagá móh naraset o eshtápi cha béhomirén ártá náñesh patk o wárt.

Belzabul: Belzabul, bezán “borzén jágháni master”. Belzabul, jennáni|jenn sarók zánag butag.

Brát: Issá Masihay|Masih báwarmand “brátay” labzá pa hamá mardomán kára bandant ke á ham Issá Masihay sará báwarmand ant.

Dáud: Dáud, cha Miládá hazár sál pésar, Esráiliání mazanén bádsháh o sháré butag. Zaburay ketábá, áiay bázén shayré mán ent. Áiá wati lahtén shayray tahá Issá Masihay|Masih bárawá ham péshgoi kortag.

Dáuday chokk (Dáud bádsháhay chokk): Dáuday|Dáud chokk, bezán Dáud bádsháhay poshtpad. “Dáuday chokk” hamá labz ent ke Yahudián pa hamá wádah dátágén Masihá kára bast, ke áyagi at (bechár: Masih).

Darkawm: Darkawm hamá ant ke Yahudi naant.

Dini péshwá: Yahudiáni sajjahén dini sarók o péshwá, Ákubay chokk Láwi o Mussáay brát Hárúnay nasl o padréch butagant. Péshwáyáni kár, korbánig, parastesh o pák o nápkáiy rahshóni dayag butag.

Donyá: Donyá pa say mánáyá árag o zánag butag:

1. sajjahén hasti, chosh ke zemin o ásmán, kóh o jangal, dasht o daryá, barr o gyábán;
2. sajjahén mardom o mahluk;
3. hamá mardom ke Issá Masihay|Masih sará báwarmand naant.

Ebráni zobán: Ebráni, Sámi zobáné ke Bani Esráiliání máti zobán ent. Enjilay|Enjil chár ketábán, baré baré “Ebrániay” labz pa Árámi zobáná kármarz butag ke á ham gón Ebrániá hamgranchén zobáné (bechár: Árámi zobán).

Elyás nabi: Elyás Esráiliání paygambaré butag. Áiay zamánag nohomi karn Péshmilád ent. Áiay wahdá, Esráilay bádsháh sakkén behodáé at. Elyásá bádsháhárá dháh dat ke agan á tawbah makant, Esráilá hawra nabit o tán say o ném sálá molká hawr nabut. Elyás zendagá ásmáná barag but. Dega paygambaré, Malákiá, kawl dátagat ke Elyás nabi cha Masihay áyagá pésh wátarra kant. É kawl pákhódókén Yahyáyá purah kort ke áiay kolaw ham pa Esráilay mardomán hamesh at ke tawbah bekanant.

Enjil: Enjilay máná wasshén mestág o hál ent. Enjil, “Nókén Ahdnámagay” 27én ketábáni tahá chár ketáb ant. É chárén ketábán, Issá Masihay|Masih zend, mójezah o ajekkái, sar o sój o parmán o mark o jáh janag nebisag butagant.

Ensánay Chokk: Ensánay Chokk yakk námé ke Issáyá pa wat zortag. Dániál nabiá é pernám pa yak hastiéá kár bastag ke á cha ásmáná kayt. Issá Masihá é pernám pa wat zortag tán mardom bezánant ke á cha ásmáná átkag o hamá wádah dátágén Masih ent.

Eremiá nabi: Eremiá Esráiliáni paygambaré butag. Áiay paygambariay zamánag 627 tán 486 Péshmilád butag. Áiay bázén péshgóiáni tahá bádshál Solaymánay bastagén mazanén parasteshgáhay tabáhi á Bábelay molká Esráiliáni darándhéhiay habar ham hastent. Áiay zamánagay béhodáén bádsháhán áiay kolaw dóst nabutagant o pa é sawabá áiá mazanén sakki o sórié distag.

Eshayá nabi: Eshayá Esráiliáni paygambaré butag. Áiay paygambariay zamánag 740 tán 686 Péshmilád ent. Cha áiay bázén péshgóián yakké Émeniyay Shahzádag, bezán Issá Masihay áyagay bárawá butag. Áiá Issáy salib kasshag o Éráni bádshál Kuroshay áyagay péshgói ham kortag.

Hirudi: Hirudi, hamá mardom atant ke hákemén Hirudisay mannók o komakkár butagant.

Hirudis: Nókén Ahdnámagay tahá, Hirudis panch hákemay nám ent ke Rumiáni chérdastiá Yahudiáni sará hákemiesh kortag.

Hirudis Awali, “Mazanén Hirudis”: Issá Masihay|Masih pédá bayagay wahdá, Mazanén Hirudis Bani Esráilay hákem at o Bayt-Lahemá cha do sálá kasterén mardéñchokkáni koshagay hokmi dáttagat tánke nonnokén Issá koshag bebit (Mattá 2:16). Urshalimá, mazanén parasteshgáhi|mazanén parasteshgáh ham nól o master kort.

Hirudis Cháromi, “Hirudis Agripás (awali)”: Hirudis Agripás awali at ke áiay markay kessah Kásedáni Káray ketábá (12:20–23) átkag.

Hirudis Domi, “Hirudis Arkeláus”: (Mattá 2:22), Mazanén Hirudisay chokk at ke cha áiá rand Yahudiahay hákem but.

Hirudis Panchomi, “Hirudis Agripás (domi)”: Hirudis Agripás domi hamé cháromiay chokk butag. Pulos áiay démá pésh kanag but (Kásedáni Kár 25:13–26:32).

Hirudis Saymi, “Hirudis Antipás”: at ke pákshódókén Yahyái kosht (Mattá 14:1–12) o Issá ham áiay démá pésh kanag but (Luká 23:7–12).

Hodáay bádsháhi (Ásmáni bádsháhi): Mattá gwashit “ásmáni bádsháhi” o Enjilay|Enjil é dega say ketábáni nebísóka gwashant “Hodáay bádsháhi”. Mánáesh yakk ent o gapp hamesh ent ke Hodáay jend bádsháha bit o donyáy|donyá sará hákemia kant. Wati mestágay sheng kanagay bendáti zamánagá, Issá Masih Hodáay bádsháhiay áyagay járá jant, bale é kár hamá wahdá pa sara rasit ke Issá Masih padá byayt. Hodáay bádsháhi donyái bádsháhiéay paymá naent, é bádsháhi pa zóránsaria narasit.

Hodáay Chokk: Enjilay|Enjil tahá, Issá “Hodáay Chokk” yá “Hodáay Bacch” gwashaga bit. Áiá zemini pet nést, cha ásmáná átkag. Hodáyá wati bádsháhi hamáia dastá dátág, chiá ke Issáy hamok wáhag, Hodái ant. Issá hamá kárána kant ke Hodáay wáhag ant.

Hodáay Gwarándh: “Hodáay Gwarándh”, Hodáay hamá gehterén korbánig, bezán Issá Masih ent ke pa sajjahénáni gonáháni shódagá korbánig butag.

Hodáay harab: Hodáay harab, Hodáay wasshén paygám o kolaw ant ke 66 ketábá mán ant. É 66 ketáb do bahr ant: “Kwahnén Ahdnámag” o “Nókén Ahdnámag”.

Hodáay nárazáú: Hodáay nárazáí, mardománi badén káráni sará Hodáay zahr o gazab ent.

Hodáwand: “Yahwé” hamá nám ent ke Hodáyá, Kwahnén Ahdnámagay|Kwahnén Ahdnámag tahá gón Mussáyá watá per bastag. Nókén Ahdnámagay tahá, “Hodáwand” pa Yahwéá kármarz kanag butag. É nám, pa Issá Masihá|Masih ham kármarz kanaga bit ke gón wati ásmáni Petá yakk ent.

Hushiáná: Árámi zobáná|Árámi zobán, Hushiánáy máná esh ent: “márá nun berakkén”.

Issá: Issá, Ebráni zobáná|Ebráni zobán “Yehoshuá” gwashaga bit, bezán “Hodáwanda|Hodáwand rakkénit”.

Jalil: Jalil, Esráilay shomáli némagá yak gwarméy nám ent ke eshiay sawabá, molkay shomáli damagá Jalila gwashant. É gwarmay domi nám Genisáret ent.

Jenn: Jenn, ruhé ke chamzáherá gendaga nabit, mardománi jesm o jána poterit o baré baré áyán bésár o cha wat béwata kant.

Tayáriay róch: Panchshambehay róchay rónend tán Jomahay róchay rónend ke Yahudián pa Shabbatay róchá tayária kanant “Tayáriay róch” zánaga bit.

Urshalim: Urshalim pa Yahudián pákén shahré, chiá ke Hodáay pákén lóg, bezán mazanén parasteshgáh, hamé shahrá at. Yahudi é jágahá har sál yakjáh butagant o Hodáesh parastesh kortag. Wati korbánigesh ham, hamódá bortagant.

Yahudiání sarókání diwán: É diwán, Yahudiání hamá ehtiárdárén diwán at ke Rumiáni hokmay chérdastiá butag. Eshiay haptád rishkamáshén básk o membar atant o masterén dini péshwá eshiay sarók at.

Yahudiah: Yahudiah, Esráilay jonubi némagay damag ent, ke dinay asligén bonjáh, Urshalim, ódá ent.

Yunes nabi: Yunes Esráiliáni paygambaré butag. Áiay zamánag hashtomi karn Péshmilád ent. Á, Hodáyá parmát ke berawt o Naynawáay shahray mardomán dháh bedant ke agan á tawbah makanant, áyáni shahr tabáh kanaga bit, bale Yunesá awalá Hodáay habar nazort. Eshiay sezáyá, á daryáyá dawr dayag but o máhigéá ér bort. Randá, á cha máhigay lápá dar kanag but o Naynawáyá shot. Wahdé óday mardománá Hodáay kolawi dát, áyan tawbah kort o rakkénag butant.

Kápáráni aid: Yahudi, Mussáay sarókiá cha Mesrá dar kapag o tán chel sálá barr o gyábánán gedám o kápáráni tahá nendagay yátmáná, hamok érahtay mósmóm, hapt rócháaida kanant. Hamé aidá “kápáráni aida” gwashant.

Kásed: Kásed bezán “dém dátágén”. É labz pa hamá dwázdháhen moridán kármarza bit ke Issá Masihá|Masih pa wati hásen hamráhiá gechén kortant. Esháni tahá, Mattá o Yuhanná ham hawár atant ke áyán randá Pákén Enjil cha Mattá o cha Yuhannáay kalamá nebeshtant. Káseday labz pa Pulos o bendáti kelisáy|kelisá é dega mazanén sarókán ham kármarz kanag butag.

Kanisah: Har shahréa ke Yahudi nendók ant, yak parasteshgáh hast ke Issá Masihá|Masih wahdá ódá mardénochokkesh ham wánéntagant. É parasteshgáh nám “kanisah” ent.

Kaysar: Kaysar chónáhá Julyus Sizáray nám ent ke 100 tán 44 Péshmiládá zendag at o Rumay mazanén hákemé at. Randá, é nám pa Rumay bádsháhán zurag butag.

Kelisá: Nókén Ahdnámagay tahá, é labz pa ebádatay jágahá kármarz nabutag. Har jáh ke átkag, eshiay máná Issá Masihá|Masih báwarmandáni mocchi o sharikdárén zend butag.

Kwahnén Ahdnámag: Kwahnén Ahdnámag 39 ketáb ant ke 1500 tán 400 PéshmiládáEbráni zobáná|Ebráni zobán nebisag butagant. Esháni tahá nebeshtah ent ke Hodáyá donyá chón jórh kortag o mardomán che paymá gonáhay ráh geptag o Hodáyá chón Ebráhém o áiay nasl o óbádag, Bani Esráil, pa wat gechén kortagant ke donyáyá berakkénit. Kwahnén Ahdnámagay tahá, Bani Esráilay rájdaptar, pa Hodáyá áyáni názénk o satá (Zabur) o Hodáay nabiáni kolaw o nebeshtánk átkagant. Cha é nabián bázénéá, Issá Masihá|Masih áyagay péshgói kortag.

Láwi: Láwi Ákubay saymi chokk o Bani Esráiliáni yak kabilahéay bonpirok at. É kabilah, Hodáyá pa parasteshgáh hezmatkáriá gechén kortagat.

Makduniah: Makduniah á wahdán Yunánay shomáli némagá at o Rumay ostáné at. Bonjáhi Tesáluni at. Makduniah nun jetáén molké.

Man án, Man hamá án: “Man án” yá “Man hamá án”, hamá labz ent ke Hodáyá pa wati pajiárénagá góón Mussáyá gwashtag. Ebráni zobánay|Ebráni zobán labz “Yahwé” cha hamé habará zurag butag. “Man án” yá “Man hamá án”, yak darangázé ke Issáyá kárband kortag tán áiay Hodái zát paddar o pajiárág bebit.

Mann: Mann hamá ásmáni nagan ent ke Mussáay zamánagá, Hodáyá pa Bani Esráilián hamá wahdá ér áwört ke á barr o gyábánán sapará atant.

Masih: Masihá Yunáni zobáná “Khristos” o Ebráni zobáná|Mashiáha” gwashant, ke mánái “pa bádsháhiá rógen per moshtagéen” ent. Hodáyá cha nabiáni zobáná mestág dátagat ke yak róché bádsháhé kayt o Yahudiána rakkénit. Pa é sawabá ke Yahudi yak donyái|donyá bádsháháy wadárá atant, áyán bázénéá namannet ke Issá hamá Masih ent. Bale Issáy báwarmand, Issáy Masih bayagá mannant.

Masihi: Issá Masihá|Masih báwarmandáni Masihiá gwashant. É nám awali randá Antákiahay shahrá pa báwarmandán kármarz butag.

Masterén dini péshwá: Masterén dini péshwá hamá dini sarók at ke dini ráh o rahbandáni masterén ogdahdár at. Masterén dini péshwá har wahdá yakké butag o áiay marká rand nökéné gechén kanag butag.

Mazanén parasteshgáh: Mazanén parasteshgáh Bani Esráiliáni hamá masterén parasteshgáh at ke Solaymán bádsháháy zamánagá bandag butag. Yahudián, wati korbánig hamé jágahá kortagant. Sál 586 Péshmiládá, Bábelay bádsháh Nebukadnasará (Bohtenasrá) próshtag. Randá, cha 536 beger tán 516 Péshmiládá góón Éráni bádsháháni komaká padá jórh kanag but. Sál 70 Miládiá, Rumián prósht o haráb kort.

Mazanén parasteshgáh pardah: Urshalimá, mazanén parasteshgáhá, sabz, jamurang o sohrén pazhmá gwaptagéen mazanén pardahé lónj butag o góón é pardahá, parasteshgáháy pákterén jágha cha é dega bahrán jetá kanag butag (Dargwaz 26:31–35). Wahdé Issá Masih salibay sará sáha dant, hamé pardaha derit (Mattá 27:51; Luká 23:45). É hamé gappay nesháni ent ke nun Issá Masihá pa sajjahénáni gonáháni shódagá watá korbán kortag o dém pa Hodáyá rawagay ráh pach ent.

Mazanén parasteshgáh shosht o shód o wapkay aid: Sál 165 Péshmiládá, Yahudián wati mazanén parasteshgáh cha Suriahay dastá pach geptag, áyáni bot cha ódá dar kortag o

parasteshgáh shosht o shód kortag o randá pa Hodáyá wapk kortag. Pa hamé yátmáná, mazanén parasteshgáhay shosht o shód o wapkay aidá gerant.

Mestág: Mestágay labz pa Rumay nókén bádsháháni áyágá kármarz kanag butag. Issá Masihá|Masih ham pa wati kolaw o paygámay jár janagá kárband kortag o gwashtag ke Hodáy bádsháhiay wahd nun átkag o rasetag.

Morr: Morr gránkimmaten washboén thélé ke pa darmáná ham kármarz kanag butag o pa mordagáni kabr kanagay tayáriá ham.

Namíránen zend (Abadmánén zend): Namíránen zend yá abadmánen zend hamá dawr o bárig ent ke Issáy sará báwarmandén mardom góón Hodáyá yakjáha bant. Ódá bé gam o dard, ásudag o shádmána bant o hechbara namerant.

Nókén Ahdnámag: Nókén Ahdnámagay 27 ketáb ant ke esháni tahá, chárén Enjil Issá Masihá|Masih pédaesh, tálim o mójezah, salib kasshag o mark, jáh janag o ásmáná rawag bayána kanant. Kásedáni Kár kelisáy|kelisá bongéjáy bárawá habara kant. Goddhi ketáb, donyáy|donyá démá áyókén sargwastáni bárawá pésghóia kant o nókén jahánay drapshókén dróshomay mestágá dant. Nókén Ahdnámagay é dega ketáb, kágad o karrach ant ke Pulos o awali kelisáy dega lahtén saróká nebeshtagant.

Pákén Ruh (Hodáy Pákén Ruh, Ruholkodos): Yunáni zobáná, é labzay máná “pákén gwát” yá “pákén ruh” ent. Enjilay|Enjil tahá, má gendén ke Pákén Ruh, Hodáy hamá zórákén was o wák ent ke pa Hodáy hokm o razáyá kár kanagá ent. Báwarmandáni del o jáná poterit, áyáni rahshón o posht o panáha bit o cha shádmániá sarrécha kant.

Pákshódi: É labz, Yunáni zobáná “baptismah” gwashaga bit o eshiy máná “ápá bokk dayag” yá “góón ápá shódag” ent. Pákshódi yak mardoméay nókén ruháni zenday nesháni ent o harkásá cha wati gonáháni pashómániá é nókén zenda rasit. Pákshódi, pa báwarmandéay sará Pákén Ruhay ér kapagá ham kármarza bit.

Pákwandh: Pa Hodáy námá gisshéntagén bahr zent hayrát.

Palit o bérán kanókén bazhnák: É habar, ke pésará Kwahnén Ahdnámagá|Kwahnén Ahdnámag, Dániál Nabiy Ketábá átkag (Dániál 9:27), do mazanén sargwastay némagá esháraha kant. Awali esh ent, ke sál 168 Péshmiládá, Suriahay bádsháhá mazanén parasteshgáhay|mazanén parasteshgáh tahá bot ér kort. Domi sargwast, Enjilay|Enjil chárén ketábáni nebisagay wahdá angat nabutagat, bezán sál 70 Miládiá mazanén parasteshgáhay prosht o prósh. Bázén zántkáréay hayálá, cha Issá Masihá|Masih áyagá pésar, syási saróké kayt, donyáy|donyá sará hákemia kant o Urshalimá mazanén parasteshgáhá padá addha kant, bale randá parasteshgáhá, Suriahay bádsháhá paymá, palitta kant.

Parastesh: Pákén Ketábay tahá, parasteshay máná yaktáén Hodáy ebádat ent, áiay satá o saná kanag o áiay mazaniay manmag.

Parisi: Parisi, Yahudiáni dini o syási mardománi yak bahré at ke Sharyatay páband atant. Bázén Parisiéay sará, Masihá|Masih iráz esh at ke áyáni Sharyatay béhi sharrén rahband, anchosh ke mehr o ensáp, yalah dáttagatant, hord o kasánén rahbandáni sará mohr óshtátagatant o á dega mardomesh érat jatant.

Pentikástay aid: Pentikástay aid, Yahudiáni rón o móshay aid ent, ke Sargwazay aidá 50 róchá rand geraga bit. “Pentikást” cha Yunáni zobánay labz “panjáhá” zurag butag.

Pesah: Yahudiáni Sargwazay aid|Sargwazay aid (Pesah).

Pet: Pet hamá labz ent ke Issá Masihá|Masih pa Hodáyá kár bastag, bale jesmi dhawl o dróshomána. Hodáy sajjahéniá jórhenók ent. Paméshká sajjahéniá Pet zánaga bit, bale chokk cha áiá dur butagant. Issáyá góón wati marká dém pa Petá rawagay ráh pach kortag. Harkas ke Issáy sará báwar bekant, ásmáni Petay kerrá shota kant. Issáyá góón wati ásmáni Petá nasendókén nazzikié hast, anchosh ke wata gwashit (Yuhanná 10:30): “Man o mani Pet yakk én”.

Pilátus: Issáy salib kasshagay wahdá, Esráil Rumay dastay chérá butag o Pilátus Esráilay sará Rumay wáli butag. Áiá Yahudiahá 26 tán 36 Miládiá hákemi kortag.

Préshtag: Préshtag hamá ruhánién rabbál o kásed ant ke Hodáy kolawána barant o kárant. Hodáy hezmatkár ant o pa mardomán hezmata kanant.

Rahmat: Rahmat, Hodáy mehráni hamá sawgáti théki ent ke sajjahén mardomán dayaga bit, bell toré kass é mehráni láhek naent.

Rógen per moshtag: Hamá chiz ke pa yak hásén káréá gechén kanag o yak kerr kanag butag, zaytuni rógenesh per moshtag. Kwahnén Ahdnámagay|Kwahnén Ahdnámag tahá, mardom ham rógen per moshtag butagant o chiz ham. Issáy asligén pernám “Masihay” bonyádi máná ham “rógen per mosthagén” ent (bechár: Masih).

Rumi báshendah: Rumay hákemiay sajjahén nendókén mardom Rumi báshendah nabutagant. Rumi báshendahán bázén ásudagié butag, chosh ke á janag yá salib kasshag nabutágant o cha Rumi Kaysará|Kaysar dádrasiay dazbandi kanagay hakkesh butag. Hamá mardom ke cha pédaeshá Rumi báshendah nabutagant, báshendahiesh pa bahá gept kortag.

Sámerah: Sámerah, cha Esráilay damagán yakké ke molkay nyám o delgáhá ent o Sámeri óday nendók atant (bechár: Sámeri).

Sámeri: Sámeri yak kawmé ke cha Urshalimá dém pa shomálá, Sámerahay damagay jahmenend at. Áshurián cha Miládá hapt karná pésar, Sámerah gept o óday mardom darándhéh kortant. Sámeri hamá mardománi chokk o óbádag atant ke Áshurián randá ódá jahmenend kortant. Harchont ke Sámeri Hodáy parasteshay dawá o eddiáyá kanagá atant (Yuhanná 4:20), bale Yahudiáni Sámeri nápáka zántant, góón áyán badal o bándátesha nakort o cha áyáni damagá ham nagwastant (Mattá 10:5).

Saduki: Saduki, cha Yahudiáni dini sarókán yak rombé at, ke tahná Tawrátay panch ketábesha mannet. Sadukián jenn o préshtag, behesht o dózoh o mordagáni padá zendag bayag namannet.

Salib: Rumay bádsháhiay wahdá, salib pa masterén radkárani sezá dayagá kármarz kanag butag. É paymén radkáresh chárdárani sará dratkag o dast o pád méhkoth kortagant tán kam kammá bemerant.

Sargwazay aid (Pesah): É aid, cha Perawnay golámiá Esráiliáni ázáti o ájuia yátá geraga bit o hamá yádgárén nesháni ent ke Hodáyá, Mussáy zamánagá markay préshtag rawán dáttag ke har lógy awali mardénochkká bekoshit, bale har lóge ke áiay darwázagá korbánigén hón laggetag, cha á lóga sar begwazit.

Sarráp: Mazanén parasteshgáhay|Mazanén parasteshgáh tahá, Yahudi zarrá abéd dega zarráni kármarz kanag band butag ke áyán bot o mardomi aks per butag. Parasteshgáhay songay dayag o pa hayrát o korbánigá chizay bahá zuragá allam butag ke mardom wati zarrán badal bekanant o parasteshgáhay hásén zarrá bedayant. Báz wahdá, sarrápán hamé zarr badal kanag pa wati nap o suttá kár bastag.

Sóchagi tohpah: Sóchagi tohpah, Yahudiáni dini dód o rabédagá, hamá korbánig ent ke sarjamén dalwatá ásay sará sóchant.

Solaymán: Solaymán, Dáud bádsháhay námdárén chokk ent. Mazanén parasteshgáhay|Mazanén parasteshgáh jórhenók, Solaymán at.

Song o máliátgir: Issáy wahdá, Esráil Rumay bádsháhay dastay chérá butag. Rumi hákemán cha Esráilián song o máliát geptag. Áyán song geragay kár hamá Esráiliáni dastá dáttag ke á Rumiáni komakkár butagant. Bázéná, cha songay gisshéntagén zarrán, géshter geptag o paméshká, mardomán cha áyán naprat kortag.

Sonnat kanag: Sonnat yá borrok, hamá hokm ent ke Hodáyá Ebráhémay zamánagá dáttagat tán Hodáy Ebráhémay ahday yak neshán o pajjáré bebit. Yahudi, wati dini rasm o rawájáni randgírá, hashtomi róchá wati har mardénochkká sonnata kanant.

Shabbatay róch: Tawrátay tahá, Hodáyá Bani Esráili hokm kortagant ke haptagay shash róchá kár bekanant o haptomi róchá Hodáyá parastesh bekanant. Áyán, hamé haptomi róchay nám Shabbat kortagat. Shabbatay róch, Jomahay róchay rónendá beger tán Shambehay róchay rónend ent.

Sharyat: Sharyat, Hodáy ráh o rahbandáni hamá hokm o parmán ant ke Mussáy sará rawán dayag butagant o Tawrátá átkagant.

Sharyatay zánóger: Sharyatay zánóger, Yahudiáni hamá dini zántkáren mardom atant ke dini ráh o rahbandesh zántagant. Cha áyán bázéná, Sharyatay béhi sharrén rahband, anchosh ke mehr o ensáp, yalah dáttagatant o hord o kasánén rahbandáni sará káresha kort (bechár: Parisi).

Tawrát (Mussáy ketáb): Tawrát panch ketáb ant, bezán Pédáesh, Dargwaz, Láwián, Mardomshomári, Sharyatay Domi Rahband.